



Von etlichen Eigenschaften vnd Tugenden der Deutschen Völcker / so in Meyssen gewonet.

Der XII. Tittel.



S ist aus dem / was gesagt / zum teil offenbar / das die *Sueui* ein altes vnd mechtiges Deutsches Volk gewesen / vnd fast vnter den ersten sein / so von Orient in Deutschland komen / daselbst weit vnd breit / von der Oder (bey welches Wassers vrsprung der Berg / so wir sonst *Carpathum* nennen / auch von jnen *suenus* genennet worden) bis vber die Elbe / vnd darzwischen / oben hinauff vber *Behmen* (dannen eines teils auch den Namen *montium Sudetorum* von jnen deriuiren wollen) vnd bis hinunter an die Pomerische See / welche *Oceanus Suenicus* ein zeitlang geheissen / regiret haben. Wie denn langest vor des *Iulij Casaris* zeiten / auch eins teils von dem Fluss *Sueuo* (das ist / von der Oder / vnd nicht *Sprey* / wie die gemeinet / dauon wir am ende des siebenden Tittels mehr geschrieben) auffgebrochen / vnd dannen hinaus an die Donaw gezogen / welches *Strabo* auch da mit bezeugen hilfft / das zu seiner zeit die *Sueui* bey dem vrsprung der Donaw geseßen.

Coharent
haec quasi
cum Tit. VII.
Suent om
gros Volk.
Carpathus
oder Euenus
mons.

Oceanus
Suenicus.

Suent von
der Oder an
der Donaw
vrsprung ge-
zogen.

Demnach wir aber die *Hermunduros* als ein teil der *Sueuorum* / vngewisselt vnter die eltesten Völcker / welche das Land zu Meyssen bewonet haben / droben angezogen vnd gesezt / können wir von denselben am ersten auch allhie reden / als von denen wir nicht vngewis wissen / das sie etwan ihre Sitze allhie gehabt haben.

Hermundurt
ein theil der
Sueuorum
in Meyssen ge-
seßen.

Von der *Sueuorum* in gemein / alter / eigenschafften / tugenden vnd thaten wird in den Historien sonst gnugsam geschrieben / so hieher nicht gehörig / Doch wollen wir derselben auch mit zweien worten gedennen / Ja auch zu ruck der *Hermionum Plinij* / so gleichs fals dieses Orts müssen gewonet haben / nicht vergessen. Wenn wir aber von den *Celtis* in gemein auch sagen solten / sampt der andern general Völcker der Deutschen tugenden / würde viel zu lang werden.

HERMIO-
NES.

Die *Hermiones* werden kühlich angezogen / nach altem Deutschen brauch für gute Kriegsleut / daheim vnd aufferhalb ihres Landes / wie denn ihr Namen auch mit sich bringet / Darneben sie sich des Jagens vnd Viehzuchten beflissen. Eben auff diese weise schreibet *Stella* von seinen Hel-

Hermionum
eigenschafften
vnd tugent.
Arriegs erfah-
renheit.
Nahrung von
Viehzucht.